

ያኦሲ ማደ"ም ዳኪንቴ ጳውሎስ ጋላቴያ ዓሶም ዳኬ ኪኢቶ" ዓይያ ካሮ"

ዩሱሴኮ ዳቂሻያ ማዒያ ኬኤዛ ኮዦ ሓይሶ ቃኣላ" ቢያ ቤዘይዳ ኬኤዚንቴ ኬኤዚንቴ ሓሣ ዓይሁዴ ማዒባኣ ዓሳኣ ዬያ ሃይሶ ጉሙርቂ ዔኬ ዎዶ"ና «ኪሪሰቶሴ ጉሙርቃ ዓሲ ማዒኒ ሙሴ ዔርዜ ዎጎ ኩንሣኒ ኮይሳሞ ኮይሱዎይ?» ጋዓ ያኦጪሣ ዔቁኔ። ዓማ"ና ጳውሎሴ፡- «ኪሪሰቶሴ ጉሙርቃ ዓሲ ማዒኒ ሙሴ ዔርዜ ዎጎ ኩንሣኒ ኮይሱዎሴ፤ ባሼ ኪሪሰቶሴ ዛሎ"ና ዓኪ ናንጊ ዴንቃኒ ቤርታዲ ኮይሳ ባኮማ ዒዛ ጉሙርቂሣኬ፤ ሓሣ ዓሲ ያኦሲ ቤርቲዳ ዲላ"ኒ ዳንዳዓሣ ጉሙርቂሣና ሌሊኬ» ጌዒ ጌዒ ዔርዚሣ ዓርቁኔ፤ ጋዓንቴ ዳኮ" ዒሲያ ጌይንታ ዓጮ"፡ ሮማ ካኣቴ ዎይሣ ጋላቴያይዳ ዓኣ ሺኢጲያ ማኣሮ ዓሶ ባኣካ"፡- «ዓሲ ያኦሲ ቤርቲዳ ዲላ"ኒ ዩሱሴ ጉሙርቂሣ ሌሊ ማዒባኣንቴ ሙሴ ዔርዜ ዎጎዎ ኩንሣኒ ኮይሳኔ» ጌይሣና ጳውሎሴኮ ጌኤዘ ማኪ ዒያ ዓሲ ዓኣኔ።

ጳውሎሴ ሓያ ኪኢቶ" ጋላቴያ ዓሶም ያኣፕሣ፡- ዬያ ሉኡዙሞ ዔርዚያና ዣኣሌ ዓሶ ፒዜ ጉሙርቂሣዳ ጌልዛኒ ሃሣ ኪሪሰቶሴ ጉሙርቂ ናንጎንዶ ጎይያዎ ዔርዚኬ፤ ቤርታሲ ጳውሎሴ ዩሱሰ ኪሪሰቶሴ ማደ"ም ዳኪንቴያ ማዒሣ ፔና ፔጋሲ ዔርዚሣና ዓርቃኔ፤ ዬያ ማደ"ም ዒዛ ዳኬሣ ዓሲቱዎንቴ ያኦሲ ማዒሣ፤ ሃሣ ዒዛኮ ዳኪንቴያ ዓይሁዴ ማዒባኣ ዓሶም ማዒሣ ፓይዲ ፓይዲ ኬኤዛኔ፤ ዬካፓ ዓሲ ዲላ"ኒ ዳንዳዓሣ' ኪሪሰቶሴ ጉሙርቂሣና ሌሊ ማዒሣኔ ኬኤዛኔ፤ ሃሣ ሃሮ' ኪኢቶ"ኮ ጋፒንያ ዓይያንሣዳ ኪሪሰቶሴ ጉሙርቃ ዓሲ ናንጋ ፒዜ ናንጊ ዩሱሴ ጉሙርቂያና ጴዳ ናሹሞፓ ሙካሣ ዔርዚኔ።

ማዓኣፔላ ዲማ ዲማ ዓርቁ ባኮ

- ዓይያ ካሮ" 1፡1-10
- ጳውሎሴ ያኦሲ ማደ"ም ዳኪንቴያ ማዒሣ ዔርዚ ቢታንቶ 1፡11—2፡21
- ያኦሲኮ ኮሹሞ ዛሎ" ኬኤዛ ኮዦ ሃይሶ 3፡1—4፡31
- ዩሱሴ ጉሙርቃ ዓሶኮ ጎሜ ዓይላቶፓ ኬሰኪያና ዔያታ ናንጋንዳ ጎይያ 5፡1—6፡10
- ጋፒንሣ ሓይሴ 6፡11-18

1 ዓሲ ማሊሢና ዓሲ ዳኬያቱዋንቴ ዩሱስ ኪሪስቶስ ዛሎ"ና ሃሣ ዒዛ ሐይባ"ፓ ዔቁሴ፥ ያኦሲ፥ ዓዳሢ ዛሎ"ና ዒዛም ማዳኒ ዳኪንቴያ ማዔ፥ ዶኦሪንቴ ጳውሎስይዳፓ፤ 2 ሐሣ ዒዛና ዋላ" ዓኣ ዒሾንሢዳፓ ቢያ ጋላቲያይዳ ዓኣ ሺኢጲያ ማኣሮ ዓሰም ዳኪንቴ ኪኢታ፡-

3 ኑ ዓዳሢ፥ ያኣዛሢዳፓ፤ ሐሣ ኑ ጎዳሢ ዩሱስ ኪሪስቶስይዳፓ ማዔ ሚጨንቲያና ኮሹዋና ዒንሢም ማዖንጎ።

4 ሐያ ዓጮ" ፑርቱዋይዳፓ ኑና ዳቂሻኒ ኑኡኮ ዓዳሢ ማዔ፥ ያኣዛሢ ማሊሢና ኪሪስቶስ ኑ ጎሞሮ ጌዒ ፔና ዓኣሢ ዒንጌኔ።
5 ዩያሮ ያኦሲም ናንገና ቦንቾ ማዖንጎ፤ ዓኣሜን።

ኪሪስቶስ ዛሎ" ኮዥ ሐይሳ ፔቴ" ሌሊ ማዒያ

6 ኪሪስቶስኮ ኮሹዋ ዒንጊያና ዒንሢ ዔኤሌ" ጎዳይዳፓ ሐያይዲ ሩኡሪና ዒንሢኮ ደማዲያና ሜሌ" ኮዥ ሐይሶ ባንሢ ዓኣዲያ ታኣም ዔርቲባኣያኬ። 7 ሐያ ታ ጋዓሢ ዒንሢ ዳቢሳ ዓሶና ኪሪስቶስኮ ኮዥ ሐይሶ ዋቢሳኒ ኮዓ ፔቴ" ፔቴ" ዓሳ ዓኣሢሮ ማዓንዳኣፓዓቴም ኮዥ ሐይሳ ጋዓንቴ ፔቴ" ሌሊኬ። 8 ዩይ ያዲ ማዔቴያ ኑኡና ጫሪንጮ ያኦሲ ኪኢታንቻሢና ዒንሢም ኬኤዜ ኮዥ ሐይሶይዳፓ ደማዳ ኮሺ ሐይሴ ዒንሢም ኬኤዜያ ማዔቴ ዩይ ጋዳንቁንቴያ ማዖም። 9 ሐያኮ ቤርታ ታ ዒንሢም ጌዔሢጉዲ ሃሣ ታ ዒንሢም ጋዓኔ፡- ዒንሢ ዋይዚ ዔኬሢዳፓ ደማ ሜሌ" ኮሺ ሐይሴ ያኦሲያ ዒንሢም ኬኤዜቴ ዩይ ጋዳንቁንቴያ ማዖም።

10 ዓከሪ ሃሢ ታኣኒ ኮዓሢ ዓሲ ታና ሄርሻንዳጉዲም ያኦሲ ሄርሻንዳጉዲዳይ? ሃሣ ዓሲ ታ ዋዛሳኒ ኮዓያ ዒንሢም ማላ? ዓሲ ታ ዋዛሳኒ ኮዓያ ማዔቴ ኪሪስቶስም ታ ማዳያ ማዓዓታንቴኬ።

ጳውሎስኮ ያኦሲ ማዳ"ም ዔኤሊ"ንቴያ

11 ታ ዒሾንሢ! ታ ሚሾንሢ! ታ ዒንሢም ኬኤዜ ኮዥ ሐይሳ ዓሲ ኬሴ" ማሊሢዳፓ ማዒባኣሢ ታ ዒንሢም ዔርዛኔ፤ 12 ዋይቲ ጌዔቴ ታኣም ዩያ ዩሱስ ኪሪስቶስ ፔጋሲ ዳቄኔ፤ ዓይጎ ዓሲዳፓኣ ታ ዔኪባኣሴ፤ ሃሣ ያኦሲያ ታና ዔርዚባኣሴ።

13 ሚና ቤርታ ዓይሁዶ ካኣዥና ዋማይዲ ታ ናንጌቴያ፥ ያኦሲ ጉሙርቃ ሺኢጲያ ማኣሮ ዓሰዋ ሚጨንቲያዎ? ዋማይዲ ታ ደውሴቴያ፥ ዔያቶ ባይዛኒያ ታ ዋማዒ ማሌቴያ ዒንሢ ዋይዜኔ።

14 ዓይሁዶ ዓሶ ካኣዥ ዋጎ ካፒ ታ ናንጋኣና ዓኣ ታ ዒጊኖ፥ ዓይሁዶ

1:13 ዳኪ. ማዳ" 8:3፤ 22:4-5፤ 26:9-11።

ዓሰይዳፓ ቢያ ታ ባሾኬ፤ ዓደንሢ ካኣዠ ዋጎይዳፓ ማሌ" ታ ሃሃ ኮዑዋያኬ።

15 ጋዓንቴ ታ ሸይንታንዳሢኮ ቤርታ ያኦሲ ታና ዶኦሪ ፔኤኮ ኮሹዋና ታ ዒዛም ማዳንዳጉዲ ዔኤሌ"ኔ። 16 ዓይሁዴ ማዒባኣ ዓሰም ኮዠ ሃይሶ ታ ኬኤዛንዳጉዲ ያኦሲ ፔ ናዓሢ ታኣም ፔጋሲ ዳዋኒ ማሌ ዋድ"ና ዓይጎ ዓሲናኣ ታ ዘርቲባኣሴ፤ 17 ሓሣ ታኣኮ ቤርታ ያኦሲ ማድ"ም ዳኪንቴዘንሢና ካኣማኒ ዬሩሳላሜ ዒማ"ና ታ ዴንዲባኣሴ፤ ጋዓንቴ ቤርታዲ ታኣኒ ዓሬቤ ዓጪ ዓኣዴ፤ ዬካፓ ታ ጊንሣ ዴማሰቆ ማዒ ሙኬ።

18 ሓይሣ ሌዔኮ ጊንፃፓ ጳዒሮሴና ካኣማ ጌሰታኒ ዬሩሳላሜ ታ ዴንዲ፣ ዒኣካ ዒዛና ዋላ" ታጳ ዶንጎ ኬሊ" ታ ዴዔ።

19 ጋዓንቴ ጎዳኮ ጌርሲ፣ ያይቆኦይዳፓ ዓታዛ ያኦሲ ማድ"ም ዳኪንቴዘንሢዳፓ ያናኣ ታ ዴንቁባኣሴ።

20 ሓይ ታ ዒንሣም ፃኣፓሢ ሉኡዚቱዋኣሢ ያኦሲ ቤርታ ታ ዒንሣም ዔርዘ።

21 ዬካፓ ሶኦሪያና ኪልቂያ ጋዓ ዓጪ ታ ዴንዴ። 22 ዬማና ዪሁዳ ዓጮ"ይዳ ዓኣ፣ ኪሪሰቶሴ ጉሙርቃ ሺኢጲያ ማኣሮ ዓሳ ታና ዛጊ ቤቁባኣሴ። 23 ዔያታ ዋይዘሢ፡- «ዬይ ማና ኑና ዒዒ ዳውሳ ዓሢ' ዬና ዒ ባይዛንዳኔ ጌዒ ኮዓ ካኣፔሎ ዛሎ" ሃሢ ኬኤዘ።» ጋዓ ሓይሴ ሌሊኬ። 24 ታ ዛሎ"ሮዋ ያኦሲ ዔያታ ጋላቴ።

2

ጳውሎሴ ሃንጎ ያኦሲ ማድ"ም ዳኪንቴዘንሢና ዔርቲሢ

1 ታጳ ያይዶ ሌዔኮ ጊንፃፓ ባርናባሴና ዋላ" ዬሩሳላሜ ታ ዓኣዳዖ ቲቶ ታኣና ዋላ" ዔኪ ዓኣዴ። 2 ታ ዒኣካ ዴንዴሢ' ያኦሲ ታኣም ፔጋሲ ዳዋ ጎይያና። ዬያኮ ቤርታ ታ ማዴ ባኮንታ ሃሢ ታ ማዳሢ ጉሪ ዓቱዋጉዲ ጌይሢና ዓይሁዴ ማዒባኣ ዓሰም ታ ኬኤዛ ኮዠ ሓይሶ ዔያቶኮ ዴኤፖ ዴኤፖ ሱኡጎ ዳማሲ ታ ኬኤዘ። 3 ታኣና ዋላ" ዓኣ ቲቶ ዋዚ ዒ ጌሪኬ ዓሲ ማዔቴያ ዓቲንቶ ቤርቶ ዒ ቲቁንታንዳጉዲ ዋልቁና ዓይሢንቲባኣሴ። 4 ጋዓንቴ ኑኡኮ ባኣኮ" ዔርቲቆዋ ዓኣሺንቲ ጌሌ ፔቴ" ፔቴ" ሉኡቃ ዒሸንሢ ዒዚ ዓቲንቶ ቤርቶ ቲቁንታንዳጉዲ ኮዔ፤ ዬንሢ ዓሳ ኑ ባኣኮ" ዔርቲቆዋ ጌሌሢ ዬሱሰ ኪሪሰቶሴና ኑኡኮ ጎማፓ ጌኤሽኪያ ሙሪ ዛጋኒና ኑና ዓይሌ" ማሃኒ ማሊኬ። 5 ኑኡኒ ጋዓንቴ ኮዠ ሓይሶኮ ጎኑማ

1:14 ዳኪ. ማድ" 22፡3። 1:16 ዳኪ. ማድ" 9፡3-6፤ 22፡6-10፤ 26፡13-18።
1:18 ዳኪ. ማድ" 9፡26-30። 2:1 ዳኪ. ማድ" 11፡30፤ 15፡2።

ዒንሢና ደዲ ናንጋንዳጉዲ ጌይሢና ዳካ" ዋዴታዎ ዔያቶ ማሊያም ባሽንቲባኣሴ።

6 ዩንሢ ዓሰ ዔኪ ዓኣዲያ ማላዘንሢ ሃሎ" ጋዓንቴ ያኦሲ ዓሲኮ ዓኣፒ ካራ ዛጊ ዓሲ ደማሱዋኣሢሮ ዔያቶኮ ጴኤፑማ ታኣም ዔኤቢቱዋሴ፤ ዩንሢ ዓሰ ዔኪ ዓኣዲኔ ጌይንታዘንሢዳፓ ታኣኒ ኬኤዛ ኮዥ ሓይሶ ቃኣሎ"ይዳ ታና ማኣዳ"፣ ዓይጎዋ ዓኪ ባኣዚ" ታ ዴንቁባኣሴ። 7 ጋዓንቴ ያኦሲ ጳዲሮሴ ዓይሁዶ ዓሰም ኮዥ ሓይሶ ኬኤዛንዳያ ማሃሢ፤ ታናኣ ኮዥ ሓይሶ ቃኣሎ" ዓይሁዴ ማዒባኣ ዓሰም ኬኤዛንዳጉዲ ማሃሢ ዔያታ ዔሬሬ፤ 8 ዩያሮ ጳዲሮሴ ዓይሁዴ ዓሰም ያኦሲ ማዶ"ም ደከንቴያ ማዒ ማዳንዳጉዲ ማሃ ያኣዛሢ ታናኣ ዓይሁዴ ማዒባኣ ዓሰም ደከንቲ ማዳያ ማሃ። 9 ዓሰ ዔኪ ዓኣዲያ ማላ፣ ያይቆኦቤና ጳዲሮሴና ዮሓኒሴና ያኦሲ ታኣም ሃያ ደማ ማዶ" ዒንጌሢ ዔራዎ ታኣና ባርናባሴና ዋላ" ዔያታ ፔቴ" ማዒያ ዔርዛ ማላታ ማዒ ማዘቆ ኩጮና ኑ ዋሊ ዓርቄ፤ ዩካፓ ኑኡኒ ዓይሁዴ ማዒባኣ ዓሰ ባንሢ ዓኣዴም፤ ዔያታ ዓይሁዴ ዓሰ ባንሢ ዓኣዲኒ ኑ ዋላ" ጮኣቄ። 10 ዩይ ያዲ ማዔቴያ ዔያቶኮ ባኣካ" ዓኣ ማንቆ ዓሰ ኑኡኒ ማኣዳ"ንዳጉዲ ዔያታ ኑና ሺኢቄ፤ ታኣኒያ ዩያ ማዳኒ ማርጌ ማላያኬ።

ጳውሎሴኮ ዓንጾኪያይዳ ጳዲሮሴ ጎሪ"ዎ

11 ጳዲሮሴ ዓንጾኪያ ሙካዛ ፔጌና ዒ ዳቤሢሮ ፔጋ" ታ ዒዛ ጎሬ፤ 12 ያይቆኦቤ ዳኬ፣ ፔቴ" ፔቴ" ዓሳ ዓንጾኪያ ሙካንዳሢኮ ቤርታ ዓይሁዴ ማዒባኣ ዓሰና ዋላ" ዒ ሙዓ፤ ዔያታ ሙኬሢኮ ጊንፃ ጋዓንቴ «ዓይሁዴ ዓሲቱዋዎ ኪሪሰቶሴ ጉሙርቄ ዓሳ ዓቲንቶ ቤርቶ ቲቁንታንዳያ ኮይሳኔ» ጋዓ ዓይሁዴ ዓሰ ዒጊጩሢና ሎኦሺ፣ ዓይሁዴ ማዒባኣ ዓሰይዳፓ ደማዴ። 13 ሃንጎዋታ ዓይሁዴታዎ ኪሪሰቶሴ ጉሙርቄ ዓሳ ጳዲሮሴ ማዴሢጉዲ ማዳዛ ባርናባሴያ ዔያቶ ጎይያ ማዲሢዳ ጌሌ። 14 ዔያቶኮ ማዳ" ኮዥ ሓይሶ ጎኑዋ ጎይያጉዲ ፒዜቱዋኣሢ ታ ዛጋዎ ጳዲሮሴ ኮይላ"፡- «ኔኤኒ ዓይሁዴ ዓሲታዎ ዓይሁዴ ዓሰ ካኣኦ ዋጎናቱዋንቴ ዓይሁዴ ማዒባኣ ዓሰ ካኣኦ ዋጎ ጎይያ ና ናንጋያኬ። ሂዳዎ ዓይሁዴ ማዒባኣ ዓሳ ዓይሁዴ ካኣኦ ዋጎ ጎይያ ናንጋንዳጉዲ ዓይጎሮ ኔ ዔያቶ ዋልቃዲ ዓይሃይ?» ጌይ ቢያሢ ቤርታ ታ ዒዛ ጎሬ።

ዓይሁዴታቴያ ቱዋቴያ ዓሲ ጉሙርቄሢና ሌሊ ዳቃያ ማዒያ

15 ጎኔኬ፣ ኑኡኮ ዜርፃ ዓይሁዴኬ፤ ጎም ዓሰ፣ ዓይሁዴ ማዒባኣ ዓሰጉዲቱዋሴ። 16 ጋዓንቴ ዓሲ' ያኦሲ ቤርታ ዲላ"ሢ

2:6 ላሚ. ዋማ 10፣17።

ዬሱስ ኪሪስቶስ ጉሙርቂሢና ማዓንዳገዳቴም ሙሴ ዔርዘ ዋጎ ኩንሥሢናቱዋአሢ ኑ ዔራኔ፤ ኑኡኒያ ዋጎ ኩንሥሢናቱዋንቴ ኪሪስቶስ ጉሙርቂሢና ያኦሲ ቤርታ ያላ"ኒ ዬሱስ ኪሪስቶስ ኑ ጉሙርቂሢ፤ ዓይጎሮ ጌዔቴ ዓይጎ ዓሲያ ሙሴ ዔርዘ ዋጎ ኩንሥሢና ያላ"ዋሴ። 17 ኪሪስቶስና ኑኡኑ ዋላ" ዓኣ ፔቱሞና ያኦሲ ቤርታ ኑ ያላ"ኒ ኮዓዖ ኑኡኒ ኑ ቶኦኪና ጎሜ ዓሲ ማዒ ጴዳያታቶ ጎሜይዳ ኑና ዔኪ ጌልዛሢ ኪሪስቶስኬ ጌይሢዳ? ፔቱ"ታዖ ያዲቱዋሴ! 18 ጋዓንቴ ታኣኒ ሻሄ ካኣዦ ዋጎ ማሢ ጊንሣ ማዳሢ ታና ማዔቴ ታኣኒ ታ ቶኦኪና ዋጌ ሻሃያ ማዔሢ ዔርዘኔ ጌይሢኬ። 19 ታኣኒ ያኦሲም ናንጋንዳኔ ጌይ ዋጎ ዛሎ"ና ሃይቢና ዲማዲሢጉዲ ዋጌይዳገ ታ ዲማዳኔ። 20 ታኣኒ ኪሪስቶስና ዋላ" ሱዲንቴያጉዲ ማዒ ፓይዲንቴሢሮ ሃካገ ሴካ ኪሪስቶስ ታ ጊዳ" ናንጋንዳገዳቴም ታ ታኣሮ ናንጋያቱዋሴ፤ ሃሢያ ታኣኒ ዓሲ ማዒ ናንጋ ናንጋ፣ ታና ናሽኬሢና ታ ጋይቴ ፔና ዓኣሢ ዓንጌ፣ ያኦዛሢ ናዓሢ ጉሙርቂዖና ጴዳ ናንጎናኬ። 21 ያኦሲኮ ኮሹሞ ዒንጊያ ታኣኒ ሹሌዒሲ ዛጉዋሴ፤ ዓሲ" ያኦሲ ቤርታ ያላ"ሢ ሙሴ ዔርዘ ዋጎ ኩንሥሢናታቴ ኪሪስቶስ ሓይቂሢ ጉሪኬ ጌይሢኬ።

3

ኪሪስቶስ ጉሙርቂሢና ዋጎና ዛላ

1 ዒንሢ ሓይ፣ ማሊ ጳቂሡዋ ጋላቲያ ዓጮ" ዓሳ! ዖ ጌሺ ዒኖ ዒንሢኮ ባይዜይ? ኪሪስቶስኮ ፑርቶ ዓሶ ሱዖ ሚያይዳ ሱዲንቴ ሃይቂዖ ዛሎ" ዒንሢ ዛዛጋጉዲ ፔጋሲ ታ ዒንሢም ኬኤዜኔ። 2 ታኣኒ ሃሢ ዒንሢዳገ ፔቱ" ዔራኒ ኮዓ ባኣዚ" ዓኣኔ፤ ዒንሢ ዓያኖ ጌኤዦ ዔኬሢ ሙሴ ዋጎ ኩንሥሢናም ኮዦ ሓይሶ ቃኣሎ" ዋይዚ ጉሙርቂዖናዳይ? 3 ዒንሢ ዓይዖ ያኦሲ ዓያናና ዓርቃዖ ዓሲ ዋልቆና ኩንሢኒ ኮዓኔ፤ ሓይሾ ዒንሢ ሃኣዲ ዔኤያኬ! 4 ኮዦ ሓይሶ ዛሎ"ና ዒንሢ ዔኬ ሜታሢ ቢያ ጉሪ ማዒ ዓቲ"ኔ ጌይሢዳ? ዬይ ጉሪ ዓቲባኣሲ! 5 ያኦሲ ፔኤኮ ዓያኖ ዒንሢም ዒንጋሢና ዒንሢ ኮራ ፔ ዋልቆና ማዲንታ ዓኮ ባኮ ማዳሢ ሙሴ ዋጎ ዒንሢ ኩንሣሢሮም ኮዦ ሓይሶ ቃኣሎ" ዋይዚ ዒንሢ ጉሙርቂሢሮይ?

6 ሃንዳ ዓብራሃሜሲ ማሉዋቴ፡- «ዓብራሃሜ ያኦሲ ጉሙርቂሢ፤ ያኦሲያ ዒዛ ፔ ዓሲ ማሄኔ» ጌይንቴ ፃኣፒንቴ። 7 ዓካሪ፤ ያኦሲ ጉሙርቂሢንሢ ቢያ ዓብራሃሜ ናኣቶ" ማዓሢ ዔሩዋቴ።

8 ያኦሲ ዓይሁዴ ማዒባኣ ዓሶ ጉሙርቂሢ ዛላና ያሊ" ሳንዳያ

2:16 ዓይኑ. 143፣2፤ ሮሜ 3፣20። 3:6 ማኸ. ማፃ 15፣6፤ ሮሜ 4፣3። 3:7 ሮሜ 4፣16።

ማዕረህ ጌኤዠ ማፃኣፓ ቤርታዲ ዳንቁ፡- «ዴራ" ቢያ ኔ ዛሎ"ና ዓንጂንታንዳኔ» ጌይሂና ቤርታ ዓብራሃሜም ኮዡ ሓይሶ ቃኣሎ" ኬኤዜኔ። 9 ዬያሮ ያኦሲ ጉሙርቃዞንሂ ቢያ ያኦሲ ጉሙርቁ፥ ዓብራሃሜጉዲ ዓንጂንቲያክ።

10 «ዋጎ ኩንሂያና ኑ ያላ"ንዳኔ» ጋዓዞንሂ ቢያ ጋዳንቁንቲያክ፤ ዓይጎሮ ጌዔቴ፡- «ሙሴ ዔርዜ ዋጎ ማፃኣፖይዳ ፃኣፒንቲ ዓይሂያና ቢያ ዶዲ ናንጉዋያ ሃሃ ማዲ ኩንሁዋ ዓሲ ጋዳንቁንቲያክ» ጌይንቲ ፃኣፒንቲሂሮክ። 11 «ዲሎ" ዓሲ ጉሙርቁሂና ሸምፔና ናንጋኔ» ጌይንቲ ፃኣፒንቲሂሮ ዋጎ ኩንሥሂና ዓይጎ ዓሲያ ያኦሲ ቤርቶይዳ ዲሎ"ዋኣሂ ዔርቲያክ። 12 ዋጌ ጉሙርቁሂና ዓርቁንቲ ባኣዚ"ቲዋሴ፤ ጋዓንቲ «ዓሲ ዋጌና ናንጋኒ ዳንዳዓሂ ዋጎ ዓይሂያ ቢያ ኩንሄቶክ» ጌይንቲ ፃኣፒንቲኔ።

13 «ሚሂዳ ሱዳንቲ ሓይቃ ዓሲ ቢያ ጋዳንቁንቲያክ» ጌይንቲ ፃኣፒንቲኔ፤ ኪሪሰቶሴ ኑ ጋይቲ ጌይ ሱዳንቲያና ጋዳንቁንቲያ ማዒ ዋጎ ጋዳምይዳፓ ኑና ዳቁሼኔ። 14 ዬይ ያዲ ማዕረህ፣ ያኦሲ ዓብራሃሜም ዒንጌ ዓንጂ ዬሱሰ ኪሪሰቶሴ ዛሎ"ና ዓይሁዴ ማዒባኣ ዓሶ ሂላ"ንዳጉዲ፤ ሃሃ ያኦሲ፡- «ታ ዓንሂም ዒንጋንዳኔ» ጌዔ ዓያና ጌኤዠዋ ጉሙርቁሂና ኑ ዔካንዳጉዲክ።

ሙሴ ዋጎና ሃጊ ማዓንዳ ዋዞና

15 ታ ዒሾንሃ! ታ ሚሾንሃ! ዓሲም ዔርታ ማላታ ማዓንዳ ባኣዚ" ታ ዒንሂም ኬኤዞም። ዓሲ ዋላ" ጫኣቁም ጫኣቁሰካፓ ያኦሲያ ዬና ጫኣቁም ሃሻ"ኒና ጊዳ" ቃሳኒያ ዳንዳዑዋሴ። 16 ያኦሲ ዓብራሃሜና ዒዛኮ ዜርፆናም ሃጊ ማዓንዳ ዋዞ" ቃኣሎ" ዒንጌሂ ዬና ጎይያክ፤ ጌኤዠ ማፃኣፓ ሃጊ ማዓንዳ ዋዞ" ቃኣላ" ሚርጌ ዓሲም ማዓያ ማሂ፥ «ኔ ዜርፆም» ጎዑዋሴ፤ ጋዓንቲ ፔቴ" ዓሲም ማዓያ ማሂ፥ «ኔ ዜርፃሂም» ጋዓኔ፤ ዬይያ «ኔ ዜርፃሂ» ጌይንቲሂ ኪሪሰቶሴክ። 17 ዓካሪ፥ ታ ሂዚ ጋዓኔ፤ ያይዶ ጭታና ሓይሂታሚ" ሌዔኮ ጊንፃፓ ዒንጊንቲ ዋጋ" ቤርታዲ ያኦሲ' ዓሪ ዶዲሼ ጫኣቁም ዓይሲ፥ ዒንጊንቲ ዋዞ" ቃኣሎ"ዋ ጉሪ ማሃኒ ዳንዳዑዋሴ። 18 ያኦሲኮ ዒንጊፃ ዋጌ ዛላና ጳዲያታቴ፥ ያኦሲ ዒንጌ ሃጊ ማዓንዳ ዋዞ" ቃኣሎ"ና ማዒፃ ዓታንዳንቲክ፤ ጋዓንቲ ያኦሲ ዓብራሃሜም ዒንጌ ዒንጊፃ ሃጊ ማዓንዳ ዋዞ" ቃኣሎ"ናክ።

19 ሂዳያ ዋጌ ዒንጊንቲሂ ዓይጌንዴሮዳይ? ዋጌ ጊዳ" ቃሲ"ንቲሂ ዓብራሃሜም ሃጊ ማዓንዳ ዋዞ" ቃኣሎ"ና ዒንጊንቲ

3:8 ማኪ. ማፃ 12፥3። 3:10 ላሚ. ዋማ 27፥26። 3:11 ዒምባ. 2፥4።
3:12 ሌዊ. ዓከ 18፥5። 3:13 ላሚ. ዋማ 21፥23። 3:16 ማኪ. ማፃ 12፥7።
3:18 ሮሜ 4፥14።

ዜርፃሢ ሙካንዳያ ሄላ"ንዳኦና ፑርታ ማዶ ዓይጎ ማዕቲያ ዔርዛኒኬ፤ ዋጌ ሙኬሢ ያኦሲና ዓሲና ባኦካ" ማዕ፤ ዓሢም ያኦሲ ኪኢታንቸ ዛሎ"ና ኬኤዚንቴምኬ። 20 ዬይ ያዲ ማዕቲያ ባኦካ" ማዕ ዓሢ ፔቴ" ዜርሢም ሌሊ ዔቃያቴዋሴ፤ ያኦሲ ጋዓንቴ ፔቴ"ኬ።

21 ዓካሪ፤ ሙሴ ዋጋ" ያኦሲኮ ሃጊ ማዓንዳ ዋዞ" ቃኦሎ"ና ዋላ" ጊኢጉዋያዳ? ያዲቴዋሴ! ሸምፖ ዒንጋ ዋጌ ዒንጊንቴያ ማዕቲያ ሂሎ"ም ዋጌም ዓይሢንቴሢና ጴዴያናንዳንቴኬ። 22 ጋዓንቴ ጌኤዦ ማፃኦፓ ዓጫ" ጉቤ ጎሜና ቴኡቴያ ማዕቲ ጋዓኔ፤ ዬይያ፡- ዬሱሰ ኪሪሰቶሴ ጉሙርቂያና ጴዳ ዋዞ" ቃኦላ" ጉሙርቃዞንሢም ዒንጊንታንዳጉዲኬ።

23 ዬይ ኪሪሰቶሴ ጉሙርቂያ ሙካንዳሢኮ ቤርታ ዋጎ ዛሎ"ና ኑ ቴኡሲ ዓሲ ማዒ ዬይ ፔጋዳንዳያ ሄላ"ንዳኦና ካራ ኑም ባይቁያ ማዕቲ። 24 ዬያሮ ጉሙርቂያና ኑ ሂላ"ንዳጉዲ ኪሪሰቶሴ ሙካንዳያ ሄላ"ንዳኦና ሙሴ ዋጋ" ኑና ዔርዚ ዔርዚ ዲቻያ ማዕቲ። 25 ሐሢ ጋዓንቴ ኪሪሰቶሴ ጉሙርቂሢ ሙኬሢሮ ዋጌ ኑና ዔርዚ ዔርዚ ዲቻያ ማዒፃ ዓቴ"ኬ።

26 ዬሱሰ ኪሪሰቶሴ ጉሙርቂያና ዒንሢ ሲያሢ ያኦሲ ናይኬ። 27 ኪሪሰቶሴና ዋላ" ፔቴ" ማዒ ዋኦያና ማሰቴ ዓጎ ሲያ ኪሪሰቶሴ ዒንሢ ማኦኬ። 28 ሲያሢ ዬሱሰ ኪሪሰቶሴ ዛሎ"ና ፔቴ" ዒንሢ ማዕሢሮ ዓይሁዳና ዓይሁዳ ማዒባኦ ዓሲና፤ ማዳሢና ማዳሻሢና፤ ዓቴንቁና ለኦሊናኮ ባኦካ" ዲሙም ባኦሴ። 29 ዓካሪ ዒንሢ ኪሪሰቶሴር ማዕቶ ዓብራሃሜ ዜርያኬ፤ ዒንጊንቴ ዋዞ" ቃኦሎ" ጎይያና ዒዛና ዋላ" ዒንሢ ያኦሲ ዒንጋ ባኮ ዔካንዳዞንሢኬ።

4

1 ሃሣ ታ ሂዚ ጋዓኔ፡- ዓዶ ዳካላኒ ቶይዶ ናፃ ማዕሢ ናይ ዓኦ ዋዞ ዒ ዓዶ ቆሎ"ኮ ሲያ ቤቲ ማዕቲያ ማኦራ ዓኦ ካራሞይዳፓ ዒ ዲማቴዋሴ። 2 ጋዓንቴ ዓዶ ዒዛም ጌዔ ዋዶ" ሄላ"ንዳኦና ዒዛ ዔርዚ ዔርዚ ዲቻ ዓሶ ዳማ" ዒ ማዕቲ።

3 ዬያጉዲ ኦኤኒ ያኦሲ ዓያኖ ባኮ ዛሎ"ና ናይ ዓኦ ዋዶ"ና ሐያ ዓጫ" ካኦዦ ዋጎም ዓይሌ ማዒ ኑ ዋርቃያኬ። 4 ጋዓንቴ ያኦሲ ጌዔ ዋዶ" ሄላ"ዛ ዓሲዳፓ ሸይንቴያ፤ ሐሣ ዋጎም ዓይሢንታያ ማዕ ፔኤኮ ናዓሢ ዒዚ ኑም ዳኬኔ፤ 5 ዬያ ዒ ማዳሢ ዋጎም ዓይሢንታያ ማዕዞንሢ ዳቂሻኒና ኑናኦ ዒዛኮ ኮሹሞና ፔ ናይ ማሃኒኬ። 6 ያኦሲ ናይ ኑ ማዕሢሮ፡- «ታ ዓዶ» ጌይ ዒዛ ዔኤላ"፤ ፔኤኮ ናዓሢ ዓያኖ

3:29 ሮሜ 4፡13። 4:5 ሮሜ 8፡15-17።

ኑም ዒ ዳከኔ። 7 ዬያር ሃይፓ ሴካ ያኑሲኮ ኔ ናይ ማዓንዳፓዓቲም ዓይሌ"ቱቀሴ፤ ያኑሲኮ ኔ ናይ ማዕያታቲ ያኑሲ ፔናኦቶ"ም ጊኢጊሼ ባኮ ቢያ ኔኤም ዒንጋንዳኔ።

ጳውሎስ ጋላቲያ ዓሰም ማሌ ማሊያ

8 ሓያኮ ቤርታ ያኑሲ ዒንሢ ዔሪባኣሢሮ ካኣሽኮንዶ ባኣዚ" ማዒባኣ ባኮም ዓይሌ" ማዒ ዒንሢ ናንጌኔ። 9 ሃሢ ጋዓንቲ ዒንሢ ያኑሲ ዔሪኔ፤ ላሚ ታ ከኤዛኒ ኮዔቲ ያኑሲያ ዒንሢ ዔሪኔ። ሂዳያ ጊንሣ ዬያ ፓሡቀያና ላቤ"ያ ማዔ፥ ዓጮ" ካኣዠ ዎጎ ባንሢ ዎዲ" ዒንሢ ማዔይ? ሃሃ ዎዲ" ዒንሢ ላሚ ዔያቶኮ ዓይሌ" ማዓኒ ኮዔይ? 10 ዲማ ዲማ ኬሎ"፤ ዓጊኖ፥ ዎደ"ንታ ሌያንታ ዒንሢ ቦንቻኔ። 11 ዬያር ታ ዒንሢ ማኣዳ"ኒ ላቢ"ንቲ ማዴ ማዳ" ጉሪ ማዓንዳሲንታኔ ጌይ ታ ሂርጋኔ።

12 ታ ዒሾንሃ! ታ ሚሾንሃ! ታ ዒንሢጉዲ ማዔሢሮ ዒንሢያ ታጉዲ ማዕቀቲ ጌይ ታ ሽኢቃኔ፤ ዒንሢ ታኣም ዓይጎዎ ፑርቲሲባኣሴ። 13 ቤርቲ ቤርታ ኮዠ ሓይሶ ታ ዒንሢም ከኤዛኒ ዳንዳዔሢ ታኣኮ ሃርጎ ዛሎ"ና ማዔሢ ዒንሢ ዔሪኔ። 14 ዎዚ ዒንሢም ታኣኮ ሃርጋ ሜቶ ማዔያታቲያ ዒንሢ ታና ቦሂባኣሴ፤ ሃሃ ሻኣከንቲባኣሴ። ጋዓንቲ ያኑሲኮ ከኢታንቻጉዲ ዬያፓ ዑሃ ከሪሰቶሴ ቦንቹ ዔካያጉዲ ታና ዒንሢ ቦንቹ ዔከኔ። 15 ሓሢ ሃያኮ ቤርታ ዒንሢ ታ ዛሎ"ና ዎዛዳ ዎዛ" ቢያ ዎዎይቲይ? ዬኖና ዒንሢም ዳንዳዒንታቲ ዒንሢኮ ዓኣፖታዎ ታኣም ዒንጋንዳጉዲታሢ ታ ታ ቶኣኪና ዬያኮ ማርካኬ። 16 ሂዳያ ሃሢ ጎኑም ታ ዒንሢም ከኤዛኒሢሮ ዒንሢኮ ሞርኬ ታ ማዒያ?

17 ሓንጎ ዓሳ ዒንሢ ዛሎ" ማሊ ሜታዳንዳያ ናንዳኔ፤ ማዔቲያ ዬያ ዔያታ ማዳሢ ኮሹሞምቱቀሴ፤ ዔያቶኮ ማሊያ- ዒንሢ ኑ ጊዳ"ፓ ዲማዳንዳጉዲና ዔያቶም ዒንሢ ባሼ ማላንዳጉዲኬ። 18 ኮሹሞ ባኣዚ"ምታቲ ደዲ ማሊያ ኮሺኬ፤ ጋዓንቲ ዬይ ዒንሢኮ ታኣኒ ዒንሢና ናንጋ ዎደ"ና ሌሊ ማያፓ። 19 ታ ናይዮቲ! ከሪሰቶሴ ዒንሢዳ ፔጋዲ ጴዳንዳያ ሄላ"ንዳኣና ጊንሣ ዒንሢ ዛሎ" ማሊያና ሾይቹ ቆይ"ሢ ሜታሳሢጉዲ ሜቶይዳ ታ ዓኣኔ። 20 ዲማ ማዔ ጎይሢና ዒንሢም ከኤዛኒ ሃሢ ታ ዒንሢ ኮራታቲ ዓይጎ! ጋዓንቲ ዓይጎ ታ ማዳንዳቲያ ዔርቶ ዒዲ ባሼሢሮ ታ ሜታዳኔ።

ዓጋሮና ሳኣራናኮ ኮኣከንሃ ማዒያ

21 ዒንሢ ሙሴ ዔርዜ ዎጎም ዓይሢንቲ ናንጋኒ ኮዓ ዓሳ፥ ሂንዳ ታኣም ከኤዙዎቲ፤ ዎጋ" ዎዚ ጋዓቲያ ዒንሢ ዎይዙዎዳዳ?
22 ዎጎ ማዓኣፖይዳ:- «ዓብራሃሜኮ ላምዎ ናይ ዓኣኔ፤ ፔቲ"ሢ ዒዛኮ

ዓይሌ"ላ ሾዔያ ማዓዛ፣ ባጋሢ ሾይንቴሢ ማኣሮ ዒንደይዳገኬ»
ጌይንቴ ፃኣፒንቴኔ። 23 ዓይሌ"ሎይዳገ ሾይንቴሢ ዓሲ ማሊሢና
ማዓዛ ማኣሮ ዒንደ ናዓሢ ሾይንቴሢ ጋዓንቴ ፆኦሲ ዒንጌ ዎዞ"
ቃኣሎ" ጎይፆናኬ።

24 ዩንሢ ላሞፆ ላኣሎንሢ ፆኦሲ ጫኣቄ ላሞፆ ጫኣቄሞኮ
ኮኣኪንሢ ማዓኔ። ፔቴ"ዛ፣ ሲና ዲኮ"ና ኮኣኪንሢንጎታዛ ዓጋኣሮኬ፤
ዒዛ ናኣቶ" ሾዓሢ ዓይሎሞሞኬ። 25 ዓጋኣራ ዓሬቦ" ዓጮ"ይዳ
ዓኣ፣ ሲና ዲኮ" ማላጎኬ፤ ዩያሮ ሃሢ ዓኣ ዩሩሳላሜ ማላኔ፤ ዒዛ
ፔኤኮ ናኣቶ"ና ዎላ" ዓይሎሞይዳ ዓኣያኬ። 26 ሎ ጫሪንጫጋ
ማዓ፣ ዩሩሳላሜ ጋዓንቴ ዓይሌ"ቴዎሴ፤ ዒዛ ኦኡኮ ዒንደሎኬ።
27 ዓይጎሮ ጌዔቶ፡-

«ኔኤኒ ናይ ሾውዎ ዞኣኬሌ ዎዛዳ!

ኔኤኒ ሾዓኒ ባኒ ዔሩዎዜሌ ዒላሼ!

ዓኒ ዓኣ ላኣሌሎይዳገ ባሼ

ዓኒ ሃሼ" ላኣሌሎኮ ሚርጌ ናይ ዓኣያ ማዓንዳኔ»

ጌይንቴ ፃኣፒንቴኔ።

28 ታ ዒሾንሃ! ታ ሚሾንሃ! ዒንሢያ ዩሳኣቄጉዲ ዒንጊንቴ
ዎዞ" ቃኣሎ" ናኣቶ"ኬ። 29 ጋዓንቴ ዩሮ ዎዶ"ና ዓሲ ማሊሢና
ሾይንቴሢ ዓያሮ ማሊፆና ሾይንቴሢ ዒዳ ዳውሴሢሃጉዲ ሐሮ"ዎ
ዩያጉዲኬ። 30 ጋዓንቴ ጌኤዠ ማፃኣገ ዩያ ዛሎ" ዎዞ ጋዓይ?
ማፃኣገ፡- «ዓይሌ"ሎ ናዓሢ ማኣሮ ዒንደ ሾዔ ናዓሢና ዎላ" ዓዶ
ባኮ ዳካሊንዲዎኣሢሮ ዓይሌ"ሎ ናዓሢና ዎላ" ኬሲ" ዳኬ» ጋዓኔ።

31 ዩያሮ ታ ዒሾንሃ! ታ ሚሾንሃ! ኦኡኒ ማኣሮ ዒንደ ናኣቶ"ኬ፤
ዓይሌ"ሎ ናኣቶ"ቴዎሴ።

5

1 ዓይሎሞገ ኦ ኬሰኪ፣ ሜታ ባኣያ ናንጋንዳጉዲ ኪሪሰቶሴ ኦና
ሙሴ ዔርዜ ዎጎ ዓይሎሞገ ኬሴ"ኔ። ዩያሮ ዶዲ ዔቁዎቴ፤ ላሚ
ዩያ ዓይሎሞይዳ ጌሊፖቴ።

ኪሪሰቶሴና ጴዳ ዎጌ ዓይሎሞገ ኬሰኪሢ

2 ሐሢ ታኣኒ፣ ጳውሎሴ ዒንሢሞ ሂዚ ጋዓኔ፡- «ዓቲንቴ
ቤርቲ ቲቁንጎንዳያ ኦና ኮይሳኔ» ጌዒ ዒንሢ ዓቲንቶ ቤርቶ
ቲቁንቴቴ ኪሪሰቶሴ ዒንሢ ማኣዲዎያ ማዓንዳኔ፤ 3 «ዓቲንቴ ቤርቲ
ቲቁሢ ታኣሞ ኮይሳኔ» ጌይ ቲቁንጎይ ቢያ «ሙሴ ዔርዜ ዎጎ

4:22 ማዢ. ማፆ 16፣15፤ 21፣2። 4:27 ዒ.ሲ. 54፣1። 4:29 ማዢ. ማፆ
21፣9። 4:30 ማዢ. ማፆ 21፣10።

ቢያ ካፒ ኩንሣንዳያ ኮይሳኔ» ጌይ ላሚ ታ ላቲ" ኬኤዛኣኬ።
 4 ዲንሣ ዋጎ ካፒ ዲላ"ኒ ኮዓዞንሣ ቢያ ኪሪሰቶሴይዳፓ
 ዲማዲ። ያኦሲኮ ኮሹሞ ዲንጊያ ዳቁንታፓኣ ዲንሣ ሃኬኔ።
 5 ኦኦኒ ጋዓንቴ ዲሎ"ሞ ዲንቃኒ ዋዛ ጌሣሣ ያኦሲ ዓያኖ ዛሎ"ና
 ጉሙርቁሣናኬ። 6 ዓይጎር ጌዔቴ ኦና ማኣዳ"ንዳሣ ኦኦኒ ዩሱሰ
 ኪሪሰቶሴና ዋላ" ፔቴ" ማዔም ናሹሞ ዛላና ማዳይዳ ፔኤቃ
 ጉሙርቁሣ ማዓንዳኣፓዓቴም ዓቲንቴ ቤርቲ ቲቂንቴቴያ ሓሽ"ቴያ
 ኦና ማኣዳ"ዓኬ።

7 ሓይማ ሄላ"ንዳኣና ዲንሣ ቃራታዖ ሃሣ ዲንሣ ጎኑሞም
 ዓይሣንቴዋጉዲ ዖ ላኣጌይ? 8 ዩያጉዴ ጌሺዖ ዲንሣ ኮራ ሙከሣ
 ዲንሣ ዔኤሌ"። ያኦዛሣዲፓቴዋሴ። 9 ዩይያ፡- «ዳካ" ሙኦቃ ያኣዛ
 ሙኦቆ ቢያ ካዲሳኔ» ጌይንቴሣጉዲኬ። 10 ፔቴ"ታዖ ሚሌ" ፑርታ
 ማላሣ ዲንሣኮ ባኣሣ ታኣኒ ጎዳና ማዒ ጉሙርቃኔ። ጋዓንቴ ዲንሣ
 ዳቢሻኒ ማላይ ዓኣቶ ዩይ ዓሣ ዲዛም ኮይሳ ሜቶ" ዔካንዳኔ።

11 ታ ዲሾንሦ! ታ ሚሾንሦ! ታኣኒ ሃኖ" ሄላ"ንዳኣና ኬኤዛሣ፡-
 «ዳቁንታፍ ዓቲንቴ ቤርቲ ቲቂንቴሣ ኮይሳኔ» ጌይ ጌይታቶ ሃሣ
 ሄላ"ንዳኣና ዓይጎር ዲዲንቴ ታ ዳኪንታይ? ያዲ ማዔያታቴ
 ታ ኬኤዛ፡ ኪሪሰቶሴ ሓይባ" ዲቆ ዓሰም ማዒዲዋያታንቴኬ።
 12 ዓካሪ ዩንሣ፡ ዲንሣ ዳቢሻኒ ኮዓ ዓሰንሣ ዓቲንቶ ቤርቶ ቲቂዖ
 ዓታዛ ጉቤ ቲቆቶ ቃራኬ።

13 ታ ዲሾንሦ! ታ ሚሾንሦ! ዲንሣ ዋጌ ዓይላቶይዳፓ
 ኬሰካንዳጉዲ ዔኤሌ"ንቴኔ፤ ጋዓንቴ ፔቴ"ሣ ባጋሣም ናሹሞና
 ዓይሣንቴ ማዳንዳኣፓዓቴም ዩይ ዲንሣኮ ዓይሎማፓ ኬሰኪዖ
 ዲንሣ ሱኡኬ ኩንሥሣም ማፖፓ። 14 ዓይጎር ጌዔቴ፡- «ዓሲ ዓዳ"
 ኦና ማሃ ናሽኬ» ጋዓዛ ሙሴ ዔርዜ ዋጎ ቢያ ዓርቂ ዓኣያኬ።
 15 ጋዓንቴ ዋሊ ዲንሣ ጌኤሲና ዳዓያና ሙዓያ ማዔቴ ዲንሣ ዋላ"
 ባይቁዋጉዲ ዲንሣና ባዴዔ።

ዓሲ ማላሣና ዓያና ማላሣና

16 ዓካሪ ዓያናና ናንጉዋቴ፤ ዲንሣ ዩያይዴቴ ዲንሣ ማዳኒ
 ሱኡካዳ ባኮ ማዳንዳዋሴ ታ ጋዓኔ። 17 ዓይጎር ጌዔቴ ዲንሣ ማዳኒ
 ሱኡካዳ ማላዖ ዓያና ማላሣና ዋሊ ዲዳያኬ፤ ዓያናና ዲንሣ ማላዖና
 ዋላ" ካኣሙዋሴ፤ ዩያር ዲንሣ ማዳኒ ናሽካ ባኮ ማዳኒ ዲንሣ
 ዳንዳዑዋሴ። 18 ዓያና ዲንሣ ዔኪ ዓኣዳያ ማዔቴ ዋጌም ዲንሣ
 ዋርቃያ ማዒዲዋሴ።

19 ዓሲ ማዳኒ ሱኡካዳ ማደ ዔርቲያኬ፤ ዬያታ፡- ማቾ ሃሣ ዓኒ ማዒባኣያና ላሃሂ፤ ዒኢሳ ማደ ማዳሂ፤ ማቾ ሃሣ ዓኒ ማዒባኣያና ላሃኒ ኮዒ ማለሂ፤ 20 ማሌ" ካኣሺ ካኣሽከሂ፤ ማርሻ ማርሺሂ፤ ዓሲ ዒዲሂ፤ ዑራ፤ ቁኢሩሞ፤ ዳጋ፤ ፔና ሌሊ ናሽከሂ፤ ዱማዲሂ፤ ጌኔ ማደሮ ዘርቲሂ፤ 21 ጌኔ ማደ፤ ማሂንቲሂ፤ ኮይሱዎ ኮሂ ኮርጊሂና ዬያጉዴ ማደኬ፤ ሓያኮ ቤርታ ታ ዒንሂሞ ላቲሂጉዲ ሓሃ ታ ዒንሂሞ ላቲ" ኬኤዛኣኬ፤ ዬያጉዴ ማደ" ማዳዘንሂ ያኦሲ ካኣቱሞይዳ ጌላዓኬ።

22 ዓያና ጌኤሺኮ ዓኣፒ ጋዓንቲ፡- ናሹሞ፤ ዎዛ፤ ኮሹሞ፤ ጊቢ" ዳንዳዒሂ፤ ዓሲም ኮሽከሂ፤ ጉሙርቁንቲሂ፤ 23 ሼሌዑሞ፤ ፔና ዔሪ ዎይሥሂኬ። ዬንሂጉዴ ባኮ ዒፃ ዎጌ ባኣሴ፤ 24 ዬሱሰ ኪሪሰቶሴር ማዔ ዓሳ ፔኤኮ ፑርቶ ማሊያ ሱኡኮ ዬሱሴና ዎላ" ፑርቲሴ ዓሶ ሱያ ሚያይዳ ሱዲ ዎዴኔ። 25 ዓያናና ኑ ናንጋያ ማዔቲ ዓያና ኑና ዳዎ ጎይያ ኑ ሓንቶም። 26 ዎሊዳ ፑርቲሞና ኑ ዔቂ ዔቂ፤ ሓሃ ቁኢሪ ቁኢሪ ጉሪ ኑ ሄርሺንቲባኣያታቲ ቃራኬ።

6

ዓሲ ቢያም ኮሺ ማደ ማዲሂ

1 ታ ዒሺንሃ! ታ ሚሺንሃ! ዓሲ ዓይጎ ባኣዚ" ዳቤቲያ ዒንሂ፤ ዓያናና ማዔ ዓሳ ዬያጉዴ ዓሶ ሼሌዑሞና ጊኢጊሹዎቲ፤ ጋዓንቲ ኔና ዬይ ዳቢሹዎጉዲ ኔና ዔሪ። 2 ዎሊ ሴካና ሃንጋና ማኣዲ" ማኣዲ" ፔቲ"ይ ባጋሂኮ ዴኤያ ባሶ" ባሶ"ንጎ፤ ዬያይዲ ኪሪሰቶሴ ዓይሂ ዎጎ ዒንሂ ኩንህያ ማዓንዳኔ። * 3 ያናታቲያ ሓንጎዎቶይዳፓ ዱማዳ ባኣዚ" ባኣያታንቲ፡- «ታኣኒ ሓንጎ ዓሶፓ ባሽኬ» ጌይ ማላቶ ፔና ጌሻኔ። 4 ፔቲ" ፔቲ" ዓሳ ፔ ማደ" ዘጊ ዔሮንጎ፤ ዬካፓ ፔኤሲ" ሓንጎዎቶሲና ዎላ" ሄካሲያ ሃሺ" ፔ ማደ"ና ሌሊ ሄርሺንታንዳ ባኣዚ" ዴንቃንዳኔ። 5 ዓይጎሮ ጌዔቲ ፔቲ" ፔቲ"ሂ ፔ ኬዶ" ኬዳንዳያ ኮይሳሂሮኬ።

6 ያኦሲ ቃኣሎ" ዔሪያይዳ ዓኣሂ ዔርዛሂና ዎላ" ኮሺ ማዔ ባኮ ዘርቲ ዔካያ ማያንጎ።

7 ዒንሂ ዒንሂ ጌሺፖቲ፤ ያኦሲ ዓማሊ"ንታያቲዎሴ። ዓሲ ፔ ማደ"ማ ዔካኔ። 8 ፔ ሱኡኮ ማሊያ ባኮ ማዳ ዓሲ ፔ ሱኡኮ ማሊያይዳፓ ሓይቢ ዴንቃንዳኔ፤ ዓያና ዎዘሳኒ ማዳ ዓሂ ዓያናይዳፓ ናንጊና ናንጊ ዴንቃንዳኔ። 9 ኑ ማደ" ሃሺ"ባኣቶ ኮይሳ ዎዶ"ማና ኑ

* 6:2 ዒንሂ ኩንህያ ማዓንዳኔ፡- ጋዓዛ ፔቲ" ፔቲ" ሚናኣ ማፃኣፓ «ኩንህሁዎቲ» ጋዓኔ።

ማዳሚኮ ዓኣፖ ኑ ዔካንዳሢሮ ኮሺ ማዶ ማዲሢ ኑ ቤልፃዲ ባኣቲ ቃራኬ። 10 ኑ ማዳንዳ ዎዴ ዴንቄቲ ዓሲም ቢያ ሃሃህ ባሼና ኪሪሰቶሴ ጉሙርቃ ዓሲም ኮሺ ማዶ ኑ ማዶም።

ጋፒንሢ ዘሮና ሳራሥሢና

11 ሓያ ዎማይዲ ታ ኩቻ ዓንዲርሲ ታ ዒንሢም ፃኣፔቲ ሂንዳ ዛጉዎቲ፤ 12 ዒንሢ ዓቲንቶ ቤርቶ ቲቂንታንዳጉዲ ዎልቄና ዓይሣዘንሢ ዙልካ ጴዳ ባኣዚ"ና ሄርሺንታዘንሢኬ፤ ዬያ ዔያታ ማዳሢ ኪሪሰቶሴኮ ሓይቦ"ና ሜታሢ ዛሎ" ኬኤዛያ ማዔቲ ዳውሲንታንዳሢሮኬ። 13 ዔያታ ዒንሢ ዓቲንቶ ቤርቶ ቲቂሾና ሄርሺንታኒ ማዓንዳኣፓዓቲም ዔያታ ቲቂንቲ ዓሳ ፔ ቶኣኪና ዎጋ" ዓይሣ ጎይፆ ኩንሣያቲዎሴ። 14 ታኣኒ ዓጮ"ኮ ፑርቶ ማዳ"ፓ ዲማዲ፣ ዓጮ"ኮ ፑርቶ ማዳ" ታጊዳፓ ዲማዲ ኪሪሰቶሴና ዎላ" ሓይቄ ሓይቦ"ይዳፓ ዓታዛ ሜሌ" ታ ሄርሺንታ ባኣዚ" ባኣሴ። 15 ዓቲንቲ ቤርቲ ቲቂንቲቲያ ሓሼ"ቲያ ማኣዳ" ባኣዚ" ባኣሴ፤ ማኣዳ"ሢ ዓኪ ማዢንቲ ማዒሢኬ። 16 ሓሮ" ዓይሢፆ ጎይፆ ዓኣዳ ፆኣሲ ዴሮ"ም ቢያ ኮሹሞና ማኣሪሢና ማፆንጎ።

17 ታኣኮ ቡፆይዳ ዓኣ ጳዲንቶ ዲኢዳ፣ ዬሱሰ ኪሪሰቶሴኮ ታ ዓይሌ" ማዔሢ ዔርዛያታሢሮ ሓይፓ ሴካ ፆኣኒያ ታና ሜታሶፓ።

18 ታ ዒሺንሢ! ታ ሚሺንሢ! ኑ ጎዳሢ ዬሱሰ ኪሪሰቶሴኮ ኮሹሞ ዒንጊፆ ዒንሢ ዓያኖና ዎላ" ማፆም፤ ዓኣሜን።

ጌጌዥ ማግኔግ
The Holy Bible in the Maale language of Ethiopia,
using Ethiopic script

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929